

# MY BIBLE FIRST

PRIMARY YEAR A  
Q 4 #51

## David le Goliath

### SUNDAY

**1** Saul in Philistine-te na do leuleu a, ama galkap lak ah David' ute thum zong kihel hi. David pen inn ah tuucingin a om hi.

Ni khat, David i pa, Jesse in David' ute bangci om uh hiam, cih thu a kan dingin David paisak hi. **1 Samuel 17:17-18.**

Vantungmi khat in David in Israel mite, galte khut sung pan honkhia ding hi, ci-a a gen lam kuamah in theilo hi. David in zingsang tungin a paikhiat kawmin, hih thu hong koici pian diam, ci-in ngaihsun kha ding hi.

Giahphual a tun ciangin David in bang hih hiam? **Aneu 20-22.**

David in a ute tawh a kiho laitak-in mi khempeuh galte lau in thakhat-in nungkin uh hi. Banghang hiam? **Aneu 23, 24.**

**Aneu 4-10** na sim lecin Goliath pen koi bang mi hiam cih na thei ding hi. Amah gol mahmah hi. Bang tawh a kibang diam, cih ngaihsun khawm ni.

Amasa in amah pen atun pi kua pha hi. A lu ah sumngo tawh kibawl lukhu khu hi. Ngasa lip dan sikawmdal thuah hi. Thal le teipite in tuate bun zolo hi. A sik awmdal pen 100 lbs gik hi. A khe nihte zong

### KAMNGAH

Namsau, teipi, le teikhawh tawh kei kiangah nang nong kuan hi. Ahih hangin kei pen Israel galkapte' Pasian, a Vanglian Topa, nangmah in na to mipa' min tawh nang kiangah kong kuan hi. **1 Samuel 17:45.**

**You come to me with a sword, with a spear, and with a javelin. But I come to you in the name of the Lord of hosts, the God of the armies of Israel, whom you have defied. 1 Samuel 17:45**

sumngo tawh kituam-in kidal hi. A teipi dawnzum pen 13 lbs gik hi. A namsau zong gol mahmah a, a kidalna lum golpi pen a nungzuipa in puaksak hi. Saul a kipan a galkap khempeuh in Goliath kihta in, lau mahmah uh hi. **1 Samuel 17:24.**

 **NGAIHSUN-IN:** Naupang kum 7 abk 8 khat ulian khat tawh dinghawm leh tua pen galkap picing khat le Goliath a dinkhop tawh kibang hi. Mi khempeuh in Goliath a lauh pen ahi ding mah hi. Nang e leh, na lau diam?

### MONDAY

**2** Ni 40 sung zingsang sim leh nitak sim in Goliath migolpa in amah a do ngam a om hiam, ci-in toden a, mi khempeuh lau in ling uh hi. **1 Samuel 17:8,16.**

Israel mite amah a zo a om leh bang kham hiam? **Aneu 9, 10.**

Kumpipa Saul in Goliath a do ngam leh a that ngam a om leh letsong kham hi. Ahih hangin kuamah kipan ngam lo uh hi. **1 Samuel 17:25.**

David in Goliath pau-teng a zak ciangin na um zo vet lo hi. Hih pa in amah le mah bang kisa peuhmah ai tam. Banghang in amah in Pasian samsia in, a mite zahko hiam? Hi pen mawk koih loin, na khatpeuh sepkhiat kul hi, ci hi.

David i u Eliab in David' kampau a zak ciangin a lungdam lo hi. **Aneu 28.**

A taktak-in Eliab in David haza hi. Bethlehem ah Samuel ahawh lai-in David a pahtawi pen mangngilh



© sweetpublishing.com; License—<http://creativecommons.org/licenses/by-sa/3.0/>

lo hi. David sangin amah ki pahtawi-huai zaw ci-in ngaihsun lai hi. Ahih hangin David in a u Eliab tawh na kinial lo hi. A u tungah khialhna bawl ngeilo hi. Goliath i bawldante in a hehhuai mahmah thu hi, cih thei hi. **Aneu 29.**

David in galkap dangte a hopih ciangin a piang thute a kibangin na gen uh a, Goliath a that zo peuhmah Saul i kamciam letsong zong na gen uh hi. **Aneu 30.**


 **NGAIHSUN-IN:** *David in banghangin Saul that nuam hiam? Letsong a deih man hiam?*

## TUESDAY

**3** David' kampau-teng mi khat in Saul kiang a gen ciangin, Saul in samsak pah hi. David in Saul a hopihdan pen Goliath i hangsan taka a kampau tawh kibang hi. David in "Patau kei in! Keimah in Goliath ka vado ding hi," ci hi. **1 Samuel 17:32.**

Saul in a khangno mahmah lai David en in, a lu pei hi. Hi banga naupang lai David in Goliath a dozo dingin um zolo hi. Saul in koi bangin David na dawng-kik hiam? **Aneu 33.**

Ahizongin David lungkia lo hi. Saul kiangah humpi le vompite a thahna thu gen hi. Ahizongin kua in amah huh ci hiam? Goliath a do zagh nadingin kua in hong huh ding ci hiam? **Aneu 37.**



© sweetpublishing.com; License—<http://creativecommons.org/licenses/by-sa/3.0/>

A tawpna ah, Saul in migolpa do dingin David phal hi. Ahizongin a nasemte in galvan a silhsak nangun sawl hi. Saul i sumngo lukho leh sik awmdalte silhsak hi. Tua khit ciangin, Saul i namsau David kuahsak in, pai khiasak hi.

Mi khempeuh in en kha ngel ding hi. Ahizongin David a gamla a tun ma in Saul kiangah kilehkik hi. David in Goliath a do taktak ding pen a lungsim kheelkik in, do ngam sawm nonlo in mite'n ngaihsun uh hi. A kilehkikna ahangin tua mah hiam? **Aneu 39.**



© Darrel Tank

ding uh hi.

 **NGAIHSUN-IN:** *Vantungmi in Pasian' mite honkhiat dinga a gen thu, David in phawk lai dingin na um hiam? Late 34:7 sim in. Tua kamciam na deih hiam?*

## WEDNESDAY

**4** A tawpna ah Goliath in amah do dinga hong pai mi khat mu hi. David hong nai semsem ciangin Goliath in a muh pen um zolo hi. Israel mite in amah a haibawl sawm uh hiam? Amah do dinga hong paikhia pen khangno khat hia, galdo nading ciang khat leh saili bek a tawi hi. **1 Samuel 17:41, 42.**

Goliath in hehsa in dawi pasiante min tawh kiciam-in a samsiatna mi khempeuh in za uh hi. **Aneu 43, 44.**

Tua khit ciangin David in aw siangtak leh khauh tak tawh a dawnkikna amaute'n za uh hi. **Aneu 45.**

David in Goliath' tona hita leh a dawi pasiante hita leh a lauh hetloh lam migolpa leh mi khempeuh theisak nuam hi. Goliath in David tungah hih ding ci-a a genteng ama tungah piang ding hi. A thupipen miteng theih ding ah, Pasian in namsau leh teipite kisam lo hi. Amah in vanglian mahmah-in na khempeuh hihthei a, a galte thahsak ding hi. **Aneu 46, 47.**

Tu in Goliath nak heh mahmah hi. A lukhu khinto in David lam ah gamsa gilo hehsa bangin hong pai hi.



© sweetpublishing.com; License—<http://creativecommons.org/licenses/by-sa/3.0/>

Tu in a omdan nuamsa ta hi. Lui neu a kankawm ciangin khawh hi. Banghang hiam? **Aneu 40.**

Tu in David in lau vet loin Goliath lam ah nawhpai hi. Amah in Pasian' deihsakna banga semin kimu hi. Galkap tengin David en in, pautau leh lunghimawh kha

David in hangsan takin Goliath tawh kimaituah dinga a tai kawmin, kidawm takin a saili sungah suangtang guang hi. Tua khit ciangin amah khawl hi. A saili kivei kivei in hat semsem hi. Tua khit ciangin manlang takin huih lak ah a suangtang leengin a ngimna mun lian mah, Goliath i talmai sukha lian hi.

Goliath khawl hi. Mittaw bangin a khutte zal khia in pai kuamkuam hi. Tua khit ciangin singkungpi kiphuk bangin a maitang lei satna hi. **Aneu 48, 49.**

Ahizongin Goliath na si nailo hi. David in ahun mawk beisak loin, a gilo migolpa tungah diingin a namsau golpi kaikhia hi. **Aneu 50, 51.**

 **NGAIHSUN-IN:** *Suangtang in tua mun mah a kha dinga vantungmite'n hub dingin na um hiam? Pasian in amah hub hi, cib David in athei dingin na um hiam? Pasian adingin a kiphasak migolpa' hatna, liatnate a haksa diam? Paunak 16:18 in bang gen hiam?*

## THURSDAY

**5** David in Goliath a thah ciangin Philistine-te leh Israel mite in lamdangsa uh hi. Kuamah in Goliath sih ding um lo hi. Mi khempeuh in Goliath si lo dinga, David si zaw dingin um uh hi.

A langtuak panin otna gingkhia hi. Philistine te a lauh manun awngin, a nuntak nangun taai uh hi. Israel mite awngin a galte nungdelh uh a, galte tampi mah va pha zo uh hi.

Israel mite hong ciahkik uh ciangin bang hih uh hiam? **1 Samuel 17:53.**

David in hangsan taka Goliath tawh kimaituah dinga a paina Saul in mu hi. Tua panin David thu theih beh nuam hi. David a theih khit hangin, amah kua hi a, koi pan cih telgai lo hi. A galkap-mangpa Abner adot ciangin, Abner in bangci dawn hiam? **Aneu 55, 56.**

Gal kido a man ciangin Abner in Saul kumpipa kiangah David paipih hi. **Aneu 57, 58.**

Saul' tapa Jonathan in David leh a pa' kihona na ngai hi. Amah in David mah bangin, Pasian it in muang ahih manin a lungnop mahmah hi. Pasian in Jonathan tungtawn-in zong nalamdang lianpite bawl khin hi. Amah leh a galvanpuapa mualkeen pangah awmtal in a pai uh ciangin Pasian in amaute huh dingin vantungmite na sawl hi. Tua khit ciangin David in Goliath athah cianga galte a taaiek bangin, Jonathan' galte zong taaiek mang uh hi.

A pa Saul in David pen a galkapte khat banga kep ding a geel ciangin, Jonathan in David tawh kimel-theih ding ngaklah mahmah hi. Amau nihte in lawm-hooh pen hiding cih thei hi. **1 Samuel 18:1, 2.**

 **NGAIHSUN-IN:** *Mi nib in midangte' lamdang a sak khat ub a bawlkhop ub ciangin*


*khat-le-khat ki-bazatna om theizel hi. Banghang in Jonathan in David haza se loin it hiding hiam? David le Jonathan i lungsim sungah kua om hiding hiam?*

## FRIDAY

**6** Goliath hong si ta hi. David pen kumpi ah amah tawh a om dingin Saul in genkhin hi. Saul tapa Jonathan pen nuam mahmah hi. Amah le David in Pasian it-in, muang uh ahih manin, amau nihte lawm hooh hithei ding cih thei hi.

David in Goliath a thah manin minampi galhangpa a hihna Jonathan in thei hi. Ahizongin amah in David a hazat loh lam koici lah hiam? **1 Samuel 18:4.**

Saul in Goliath a thatpa leh innkuuan khat banga a ompih David pen ama zom ah kumpi dinga Pasian' teelsa ahih lam thei kha lo hi. Saul in David muangin, tua bang a hangsan leh a thumang galkap a neih khak pen a lungdam mahmah hi. **Aneu 5.**



© sweetpublishing.com; License—<http://creativecommons.org/licenses/by-sa/3.0/>

Ahizongin ni khat, Saul le David, amau a nawng-kaisak Philistine te galdona panin galzosa in hong ciah uh ciangin Saul in David a ngaihsutdan a kikheelsak thu khat hong piang hi. **Aneu 6, 7.**

Thakhat-in, hazatna a kici a lipkhap-huai dawi Saul lungsim sungah hong lutvat hi. David pen amah sangin minthangzaw ahih lam kician mahmah hi. Tua a kipan in Saul in bang hih hiam? **Aneu 8, 9.**

 **NGAIHSUN-IN:** *Pasian in eite deihteel-theihna la khia ngeilo hi. Ahizongin hazat ding na teel ciangin na sungah Satan hong lut dinga kongkhak abon nahi hi. A haza mite lungdam ngeilo uh hi. Na hazat ngeiloh nangin banghangin tu in thungen lo ding nahiam?*

**FURTHER STUDY:** 1 Samuel 17; 18:1–9; *Patriarchs and Prophets*, pp. 644–650; *The Bible Story*, vol. 4, pp. 9–13.



## THE STORY CORNER

# Rascal le Kuahawm – Khen 2

Adapted by Amy Sherrard

**R**ascal in Holly i pa gen naupangte kimawl nadinga lauhuai hi, a cihna mun huang kiu a om kuahawm pen ensuk hi. Holly in, Rascal in a anvalte a sel nading mun thak mu ahi tam ci-in ngaihsun hi.

Holly zong tua kuahawm gei hong nek semsem ciangin, Rascal zong lawp semsem hi. Thakhat in, Holly in ui hamna gamlum lak pan aw neu tawh a ham khat za hi. A sawt loin Rascal in singpek tawh a kisin tuikhuk lui kuahawm a etsuk lam phawk hi. Amah zong khukdinsuk in a vang neu pan ensuk hi. A etsuk ciangin, a zak aw neu zong nuamna tawh hong ngaih semsem hi.

Tua leh Holly zong “Jigger!” ci-in awng a, “Jigger, minute khat na ngak o. Hong kilehkik ning ei,” ci hi.

Damtak in tua kuahawm panin awmtal khia a, a upa Bob sam dingin inn ah deihtak-in taai hi. Holly in a upa’ ban len in, “Kinawh o! Rascal in huahawm sungah mohem nih a kiatsak mu ing. Tua huangkiu a tuikhuk lui ah Jigger zong na om hi,” ci hi.

“Oh! Hehpih-huai si!” Bod in a puantung silh la in tuikhuk gei ah a pai khawm uh hi.



A phual a tun ciangun a upa in Holly kiangah, “Hong pai nai kei o maw! Hoichtak i lakkhat theih nangin a sitna singmuatteng bal khia phot ning,” ci hi.

Jigger zong nuam mahmah hi. Bob in abat zawt zah a hanciam hang, tuikhuk sunga kia ui ban zo tuan lo hi.

Tua leh Bob in Holly kiangah, “Na hangsan takpi aleh, hiteng pan na kengte gel ken hong len ning, amah na batzawh ciangin na nihun hong kaikhia ning,” ci hi.

Holly zong laupian himah leh, a upa muang thukim hi. Bod in a khete gel kiptak len in, damtak-in



kuahawm sungah a khiasuk hi.

Holly in Bob kiangah, “Hih a nuai nam sia lua!” ci hi. Anawl a om leite kia in a samte a puante tungah baang himah leh Holly in phamawhsa lo hi.

Holly in tua a lawp uino a lak sawm kawmin Bob kiangah, “Rascal in a moh-em a kiatsakna gei ah guh leh mohnen tam pipi

om,” ci hi. “Tuah! Man kha dektak ing ei - tawm ciliktun ngah ing ei! Hong kai to o,” ci-in Holly in gen hi. A sawt loin Jigger leh amah tua kuahawm panin paikhia thei in, tua ui nihte kipaaktak-in kino uh hi.

“Ko Jigger mu! Ko Jigger mu!” ci in Holly in Bob tawh Mrs. Clark’s inn lam a tai kawm in awng hi.

A vengte’ inn nung kongkhak kihongkhia hi. “Oh! Lungdam! Lungdam! Koi-ah ---?”

Jigger in nuamna tawh Mrs. Clark mai liak in, a ot lai, Holly leh Bob thakhat in pau khawm uh hi. Mrs. Clark in zong Jigger ading tui la in a piak ciangin amah’n zong dawn cihtak-in dawn hi.

Holly in Rascal mai a etsuk kawm in, “Rascal in amah an na pia den a i v e maw,” ci-in gen hi. “Lam-dang lua mate! Pasian in mite bek hilo in, gan-hingte na ngawn hoihtak kemcing hilo hiam?”

(Manta)



**Additional resources:** nature lessons, activities, music, Bible lessons, Scripture memory, and more.

**My Bible First Copyright © 2015**

**Phone:** 1-877-242-5317

**Web:** [www.mybiblefirst.org](http://www.mybiblefirst.org) • **E-mail:** [sales@mybiblefirst.org](mailto:sales@mybiblefirst.org)  
Unless otherwise noted, Scripture quotations are from the NKJV.